

30/05/2025

Aizawl

1830 hrs

REGIONAL NEWS

HEADLINES:-

1. Nimin atanga ruah sur leh thli tleh chuan hmun hrang hrangah chhiatna tenau a thlen a, hriat theih chinah heng chhiatna avang hian mi pakhat a thi.
2. Aizawl Meteorological Centre thlirlawk danin, naktukah Mizoram district tinah thli, ruah, leh tek a thawk chhunzawm dawn.
3. Prime Minister Narendra Modia chuan vawiin khan hmasawna project hrang hrang cheng vaibelchhe 48000 hu Bihar-ah a hawng.
4. Supreme Court chuan National Eligibility-cum-Entrance Test Post Graduate (NEET-PG) 2025 chu tum khatah zo turin a hriattir.

<><><>

RAIN HAVOC

Nimin atanga ruah sur leh thli tleh chuan hmun hrang hrangah chhiatna te nau a thlen thu dawn a ni a, hriat theih chinah heng chhiatna avang hian mi pakhat a thi.

Hriat theih chinah Aizawl District ah leimin hmun hrang hrangah a awm a, tukin khan Thuampui veng lungremin mi 2 a delh a, mi pakhatin nunna chanin ruang hi chawhma dar 10 vel khan lakchhuah a ni a, thi hi Lalnunmawia (kum 37), Chawlhmun veng niin Thuampui ah thlahna hun hman anih hnuah a ruang hi a awmna Chawlhmun veng pan pui a ni.

Thuampui lungrem chimin a delh zinga pakhat Lalfakzuala (kum 35) Ramthar Veng, Aizawl hi a kawng ruh a tliak nia thudawn a ni a, Greenwood Hospital ah admit a ni a, Lalnunmawia leh Lalfakzuala te hi pioneer in camp an hlui hlawn tawhah an riak a, tukin khan lung rem chimin an riah naah hian a delh a ni.

Zemabawk South Lungbial panna kawngpui Berawtlang pan chhohna kawngpui chu nasa takin a min a, helai kawng hi a min tawh avangin lei dawh a ni a, tunhnaiah a thlang lama in hmun laih a nih avangin lei dawh chawpin a min leh ta a ni.

Aizawl Traffic Police thuneitute chuan tun dinhmunah Aizawl khaw chungah ruahsur nasa avanga kawngpui ping a awm rih lo anti a, tukina Chanmari Ramhlun kawnga lung tla chu thenfai a ni tawh a, lirthei pawh dan pangngaiin a tlan leh thei tawh tih sawiin Zemabawk South Lungbial panna Berawtlang pan chhohna tukina min chu thenfai la ni lo mahse kawng dangah a hel theih a, Aizawl atanga Lengpui inkar kawng a tlang tha bawh tih a sawi a, ruahsur nasa avanga chhiatna hrang hrang thlengin AMC huamchungah lirthei tlan nghawng buai rih lo mahse, mipuite chu a tul tawpah lo chuan pawn chhuak rih lo tur leh loh theih lova lirthei hmanga chhuak te pawh fimkhur turin an chah a ni.

Tukin khan District Magistrate te chuan thuchhuah siamin, nimin atanga Mizoramah ruah chhum lo chat lova a sur avangin, a ni 2-na atan vawiin khan zirna in te a khar chhunzawm bawh a ni.

Lunglei Dist-ah thingkungtlu, lungremchim leh lei min lian vaklo hmun 10 ah a thleng tawh a, heng hmun te hi Zonal Officer ten a hmunah kal chilh zel in thil awm dan Chief Executive Officer, Dist Disaster

Managenment Authority, Lunglei Dist-ah report an thehlut nghal zel a ni. Leimin hi hmun 5-ah thleng tawhin Bualte, Sekhum, Theiriat, Bunghmun, Hlumte, Zobawl, Dawn leh Electric veng ah te thlengin Chanmari leh Farm veng-ah thingkung pakhat tlu in Electric hrui a vuak chhiat bakah kawng a hnawh a, YMA ten an thianfai a ni.

Hetihlai hian Lawngtlai panna kawngpui pawh Bualte khua atanga 4 km-ah leimin leh chirh in hnawhin NHIDCL te hrilhin an ni hian a tul angin an thianfai a ni. Sekhum leh Theiriat-ah lungrem chim vangin chenna In 2 chu insingsak tir an ni a, Bunghmunah BCM Biakin lungrem a chim baw. Hlumte khuaah chuan chenna in pakhat chu Cyclone in nasa takin a tihchhiatsak a. Zobawk leh Dawn khaw inkarah kawng minin lamlian a hnawh a, PWD leh NHIDCL ten an thian fai. Motor kawngpui a kawngchhak min leh lei/lung tla erawh a awm nual.

Khawthlang tuipui leh Dazo kai lui te pawh a chim chin a sang chho zel a, tun dinhmunah erawh mihring tan chhiatna nasa a la thlen lo tih kan corr chuan a sawi.

Ruahsur nasa avang hian Lawngtlai District hmun hrang hrangah harsatna a thleng nuala, inkalpawhna kawng ping te pawh a theih ang angin thenfai hna thawh niin, Power Supply mumallo pawh siam hna thawh mek a ni a, Lawngtlai tuilakna chu tui a nut nasat vangin semtlak a ni rihlo.

Kan corr report lo ngaithla ang.

Nimin chawhma lam dar 10:30 vel khan Lawngtlai leh Siaha inkar, Chhimtuipui, Tuipui Ferry ah Marboat hmanga khualzin leh Lirthei thiarkai a nih laiin, Marboat chu a khawllam fello a awm vangin Maxicab leh Mimal Car pakhat leh mihring sawmhnih vel chu tuilianin a la a, vanneihthlak takin thi leh hlaim an awmlova, Tata Sumo leh Tata Tiago erawh tuilian hian la in, Tata Sumo hi Tuilianin Marboat a laktirh lamah pil nghalin, Car zawk hi nimin tlailam khan lakchhuah tuma theihtawpa beih ni mahse tuilian hian a la ve ta a, Marboat pawh hi lakchhuah theih a la nilo.

Lawngtlai East bialtu MLA, Adviser to Chief Minister Dr.Lorrain Lalpekliana Chinzah chuan ruahsur nasa vanga chhiatna leh harsatna tawkte a tawrhpuu thu Social Media lamah tarlangin, tlawmngai taka harsatna thlenna hmuna mitlawmngai thawkchhuakte chhuanawm a tih thu a sawi.

Hetihlai hian Siaha leh Tuipui Ferry inkar Tuisumpui lei Seasonal Bridge pawh vawiin khan Tui lianin a la, Motor eng chi mah kal theih la ni lo a, Rawmibaw. k tlangdung khua te chu kalpawh theih lohvin an awm leh ta a ni.

Ruahsur nasa avang hian Siaha District hmun tam takah leimin a awm nual a, Vawiin khan Siaha khawchhung Siahatla Bualpui NG road ah leimin nasa tak awmin motor kaltheih lohvin a ping mek baw. k a, District thuneitute chuan hma la nghalin tihtlang thuai beisei a ni.

<><><>

WEATHER

Aizawl Meteorological Centre thlirlawk danin, naktukah Mizoram district tinah thli, ruah, leh tek a thawk chhunzawm dawn.

Akashvani zawhna chhangin Aizawl Meteorological Centre Director Pu Sudheer Kumar Dwivedi chuan mipuite chu fimkhur tura chahin ina awm tam tur leh pawn chhuak tam lo turin a chah a, leimin theihna hmun te chu pumpelh hram turin a chah a, ruah tam tak sur avang hian district hrang hrangah lei a min thei a ti a, khawchhia avang hian khua a hmuh fiah theih a rinawm loh avangin lirthei khalhtute chu Traffic thuneitute ngaichang a, an thuchhuah te zawm tha turin a chah a ni.

<><><>

COVID NEW CASE

Mizoramah COVID-19 hri kai thar pahnih hmuhchhuah a ni a, National Health Mission hnuaia IDSP chuan hemi avang hian mipuite chia lo turin a chah.

Mizoram Health & Family Department hnuaia Integrated Disease Surveillance Programme (IDSP)-in vawiina COVID-19 chungchanga mipuite hriattirna a tihchhuahah tûn dinhmunah Mizoramah Covid-19 hri kâi thar mi pahnih hmuhchhuah an ni a, Zoram Medical College & Hospital, Falkawnah enkawl mêk an ni a, ngaihtuahawm an ni lo a ni.

Tûn hnaia ramchhung hmun thenkhata Covid-19 Variant JN.1, XFG leh LF.7.9 positive case hmuhchhuah a nih leh chungchângah mipuite chi-ai lo türin an ngen a, tûnlaiah Covid-19 hri kaite chu na lutuk an awm loh avângin, in lamah enkawl an ni tlângpui tih sawiin, mipuite chu Covid-19 laka an him theih nan Sahbon emaw Handwash emaw hmangin kut fai taka sil thin tur leh, Hand Sanitizer hmang thin turin a chah a, hritlâng âwm nâ neite chu hmai tuam thin turin a chah bawk.

Cancer, Zunthlum, Thisen Sâng, Asthma, HIV leh Natna benvawn dang veite, Nu Naupai leh Kum upa te fimkhur leh zual tur leh a theih chuan puipunnaah kal loh hram tur a ni a. Loh theih lova puipunna-a kal tûr te chu uluk taka hmaituamna, mask vuah turin a chah a, Covid Symptom neite chu puipunna hmunah kal lo tur leh , midangte an kai darh lohna tûra mahni invêng fimkhur tûrin a chah bawk a ni.

Mizoramin Covid-19 positive a neih hnahnun ber chu nikum October thla kha a ni a, kum kalta 2024 chhûnga Mizoramin Covid-19 kai a neih zawng zawng chu mi 73 an ni a, nunna chân an awm lo thung.

<><><>

MUHCS

Mizoram Health Care Society-in Mizoram Universal Health Care Scheme (MUHCS) hnuaia damlo zai ngai tur, nghah ngai te zingah a duh an awm chuan phai lama refer theih an nih thu hriattirna a tihchhuah chuan a barakhaih hle tih Non-Government Hospital Association of Mizoram, (NGHAM) hruaitu thenkhat ten an sawi.

Akashvani zawhna chhangin, NGHAM hruaitu zinga pakhat chuan MUHCS chungchangah hian Mizoram sorkar nen an inbe mek a, Health Minister leh Health Secretary te nen pawh kar kalta leh tunkar hian an inbiaa, hetih a nih laia nimina Mizoram Health Care Society-in thuchhuah a siam chuan a barakhaih hle a ni a ti.

NGHAM chuan mipuiten harsatna an tawh mek chinfel thuai an duh hle a, Mizoram sorkar nen an inbiakna kalmek chungchang pawh an ngaichang reng a ti a, hetihlai hian NGHAM chuan hmalakna thar emaw, pawl anga inrawn khawmna emaw an la nei rih lo tih a sawi a ni.

Nimina Mizoram Health Care Society thuchhuah tarlan danin, Aizawl Civil Hospital leh Zoram Medical College & Hospital-ah te zaitur zai hmabak tam tak awmin, rei tak nghah te angai a. Hemi avang hian damlo zai ngaite a hma thei anga zai an nih theih nan leh an inenkawl na dawn tur tih khawtlai a nih zel loh nan MUHCS beneficiary te'n an duh anih chuan phai lamah refer theih a ni.

Kan corr thudawn danin, tun thlengin Mizoram Universal Health Care Scheme (MUHCS) hnuaia inziaklut mi 10,514 in he hamthatna hi an hmang tangkai tawh a. Mizoram State Health Care Society CEO Dr Biakthansangi chuan online-a MUHCS in ziahluh theihna an hawn atangin darkar 24 chhungin mi 17 an inziaklut tawh a ti a. Phai lama refer pawh an thahnem tawh hle tih sawiin vawiin thlenga refer tawh zat chu mi 637 an nih thu a sawi.

Dr Biakthansangi chuan April ni 1 atanga damlo inenkawl tawh zawng zawng te bill an pekchhuah tawh zat chu cheng vbc 6 nuai 65 sing 1 sang 7 za 9 35 a nih thu a sawi a. Sorkar hospital-ah mi 9465 in MUHCS hi hmang tawhin heng zinga 8071 chu damdawiin chhuahsan tawh an ni a ti a, 1394 chu enkawl mek an nih thu a sawi a. MUHCS hnuaia nimin thlenga Private hospital inziaklut tawh pakuaah damlo 1049 in MUHCS an hmang tawh a, an zinga 901 chu damdawiin chhuahsan tawh an ni a, 148 chu damdawiina awm mek an ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

PM

Prime Minister Narendra Modia chuan vawiin khan hmasawnna project hrang hrang cheng vaibelchhe 48000 hu Bihar-ah a hawng. Thusawiin Pu Modia chuan double-engine sawrkar chuan Bihar tan kawng tinrenga hmasawn turin a thawk a ti a. Vawiina hawn tak project te pawh hi he hmasawnna lam hawi vek anih thu a sawi a ni.

PM Modia chuan India-in firfiakte a dona kawngah tha a thlah thei lo tih a sawi a. Ram hmelma firfiakte emaw naxal helho an ni emaw na taka dolet zel an ni ang tih a sawi bawh a ni.

<><><>

DELEGATES

Sawrkar laipui tirh JD(U) MP Sanjay Jha-a kaihhruai Parliamentary delegates te chuan Indonesia-ah hun hmang mekin vawiin khan mithiam leh zirna sanga thawktute nen Jakarta khawpuiah an inkawmho a.. Nahdlatul Ulama Executive Board Chairman, KH Ulil Abshar Abdalla an kawm bawk a ni. He team-a tel ve Congress MP Salman Khursid chuan chanchinbumite kawmin Indonesia chuan firfiakte dona kawngah India a thlawp tih a sawi a ni.

Congress MP Shashi Tharoor-a kaihhruai palaite pawh Columbia ah an cham mek a. Tukin khan chanchinbumite kawmin Pu Tharoor-a chuan firfiakte chhawmdawl thin ram leh firfiakte dotu ramte nen pheikhai ruala kal theih anih loh thu a sawi a ni.

<><><>

NEET-PG

Supreme Court chuan National Eligibility-cum-Entrance Test Post Graduate (NEET-PG) 2025 chu tum khatah zo turin a hriat tir. NEET-PG hi June ni 15-a neih tur nin Justice Vikram Nath-a kaihhruai bench chuan shift hniha exam nei lova shift khata zo vek turin a hriattir a. Exam buatsaih naah langtlang taka kalpui turin a hriattir bawk a ni.

<><><>